

四庫全書

史部

欽定四庫全書

史部

欽定八旬萬壽盛典卷一百九

詳校官戶部郎中臣楊世倫

欽定四庫全書

八旬萬壽盛典卷一百九

歌頌二十九

萬壽八徵頌謹序

翰林院編修臣秦泉

乾隆五十五年歲在上章月屆仲秋恭遇

皇上八旬萬壽聖節維時寰瀛內外億兆臣民翹趾樹

頌悲吐誠素願申祝

嘏嘏嘏嘏不能自己蔚然盎然並轡嘉會乃

聖懷沖挹方

詔中外勿以彌文侈進獻而

惠育黎元膏澤下逮一時若蠲賦開科靡不

洪施優渥布濩八區

天人協氣蒸為太和甘露景風百昌豐殖皞皞如也粵若

稽古頌禱之辭莫善於詩既醉燕飲也則備五福

之頌天保感恩也則有九如之禱矧今

昌期翔洽化被埏紘我

皇上事

天之誠法

祖之敬愛民之仁與夫

膚功偉略奮武揆文

國家典制之隆聲容之盛萬邦和會寅迓

蕃釐可謂萃百王之大成曠千古而罕覲者矣臣又伏

覲

宵旰勤求孜孜惟日苞符萬品契合庶徵

親製寶篆曰

八徵耄念之寶至矣哉宥密緝熙之全功撫辰凝績之
實效化成久道流衍無窮暨乎

洪暉普慶上理懋臻照景飲醴期頤愉樂扶杖而觀聽
者咸含和而食德稱曰盛哉乎斯世臣愚以為
聖德莫隆於敬

天勤民敬用五事即推人事以驗

天心

聖人為

天之子

天子子萬世萬民而躋之仁壽之宇厥庶民胥保惠胥
教誨無一夫不獲其所則荷

天之龍亦必以萬世萬民壽為

聖人壽而

聖人又推

天之所以降福者穰穰簡簡用敷錫厥萬世萬民是以延
洪曼羨增受神筮周而復始罔有紀極宜乎

福嘏日浴高明博厚自強不息日進無疆不息則久久
則徵無疆惟休休徵丕應

壽與

天齊也臣職在詞垣敬獻

八徵頌八章仰陳

黼宸導下忱於萬一其辭曰

天篤景祐

獻哲欽承含宏翕受萬福是膺三神決歡五辰時撫乾

苞坤符懿鏢

純嘏

皇帝誠敬履盛撫謙蠲蠲獲護明旦維嚴

紺殿

紫壇迎長南北靄鼓雲門煉新緼燎祈春雩夏祗肅

躬親豐融肝蠶至今

八旬寶貺駢羅溫颶甘澍霞蔚雲增陽蔭煦
蕃釐戢晉庶績康哉庥徵迭邁書瑞靈臺其一

維

清緝熙奄有四海元會運世契叶

昊綽尊揚

祖烈累洽重熙

列聖遞傳羣此丕基

帝武纘純惕勤夙夜考絢

丹騰用光穰化周邠胥宇漢沛歌風作堂紀

恩陟降伊通

四詣

陪都典崇報本優見愾聞芮鞠原嶽昭茲來許

全韻成章紹衣訪必繼序弗遑適駿

前寧在

帝左右暘雨時徵以佑

眉壽 其二

於穆蒼蒼萬靈所仰俾作

君師引恬引養

皇帝愛民恫瘼乃身龐鴻累積

厚德深仁

蠲賦惟四

蠲漕惟二誅蕩泰符節宣協氣

繁禧孔賁豫大豐亨綿隄鉅萬河海底平總總林林桑

麻給足十雨五風休蘇沐浴

帝屋寒燠茅節周諮損上益下民莫能知人力普存蟬
聯祉祚厥有祥徵邦綏豐屢其三

浩如淵海萬派趨東全書蒼萃聿稟折衷甲乙丙
丁芸櫛四庫

皇帝睿聖輝映策府分建

七閣津逮南邦瑯嬛委宛富美無雙三萬六千丹文
綠字緋几琅函鑠乎大脩證經訂史議禮審音焜
耀

奎藻沾溉儒林頌列黌宮

璇題渾噩元氣淋漓日星迴薄菑畚謨典

聖學崇高景徵懿顯髦士

甄陶其四

義易知幾

皇帝神武厚屬橐籥有赫斯怒準噶爾部一戰者平兩

和卓木五稔勲成洞燭樞機咸欽

睿斷籌運萬全勢揜勝算南交入

覲緬甸輸誠薄來厚往詎限裨瀛偃伯靈臺圖形

紫閣

錫命酬庸豐珉嶸嶸五十五載四極和同馨烈彌懋殷
地呼嵩區寓乂寧蒸黎順則定保明徵我

皇威德其五

嘉禮咸備秩祀孔明

皇帝時邁率

祖攸行

六巡南方

龍驤沛艾捍海籌河飭農省耒為民介景泰岱升香寧

成樂利

福祿溥將輯瑞封山東魯展禮盟薦孚顓蹌蹌濟濟

崇頌十事古藻璘彬殷彝夏勺黃瓦丹楹吉日車攻

重排石鼓周雅籀文光姚岫嶺旼旼穆穆美備如斯丕

徵文郁威儀孔時其六

大樂同和元音布護

皇帝乘乾聲律身度

綏猷建極戩穀罄宜中和韶奏獸舞鳳儀三百葩經夙
疑同律樂譜

親裁八音克一鳴球戛擊玉產和闐西江古韻鑄鐘鑄
焉

清廟明堂比隆虞舜純如皦如金聲玉振遠逮西藏番人
回人揄揚

聖澤縵舞畢陳磬管鏘鏘簫韶繹繹金石有徵鼓吹六

籍具七

先庚

皇覽

景貺宣轅

乾行六幕離照重輪恒蔭松椿載圓月桂繡甸臚驪芳

塋普惠莫敷軒庀時殷仲秋

湛恩汪濊以并

豫遊

五代一堂誕膺

帝祉鞠膺綵觴

天顏燕喜內由卿尹外達藩王
鯢齒鮐背髦譽膠庠雅
頌京都昇平化宇擊壤謳衢
軒舞鼓圖範際地
輿蓋蟠天壽徵南極

皇帝萬年 其八

萬壽恭擬樂府十六章 謹序

翰林院編修臣余集

臣聞太和布濩衡正階平協氣嘉生中外禔福象容表慶均禧九域蹈德詠仁大樂斯作臣伏見

皇帝陛下敷元馭錄

典學敕幾健法

乾行寅孚

昊眷紹

聞衣言繩繩繼繼蓋五十五年如一日而道洽政治澤潤寰寓樂華禮業延美大光

純嘏緝熙嘉符懋燦未有如

今日之盛茲蓋伏遇

八旬萬壽聖節南瑜東賁駢蕃王會謦頌之作徧及朝

野臣以菲材職在編修仰覩

鴻規誠歡誠忭敬按樂府譜辭十六章以當康衢之謠
華封之祝謹拜手稽首而獻詞曰

天子當陽盛德在金以殷仲秋試從風騷律祥通寅極
占雲按節徵應圖疇人捧葵心天將桂酒璧月清

光盈殿頭瞻南極有觚棱瑞靄翁鬱

皇州 絲綸大小共球任鰲抃千官擁八駟比義珠農
玉駢蕃介祉虞絃唐萼連躒徽猷聞嶽呼三維天
錫五玉蓂朱紘十二旒

乾行健又宣和導順篤懋

鴻庥壽星明

受

天之命何

天之龍承

天之祐綵庶績兢兢業業夙夜齋心闕瓊宇擇元日向

南郊北面蒸蔚薪燔燎炷漸調起雲和琴瑟都應靈鼗靈

鼓

舜訓嘉言能晰數廵前席明昭式序將一代登庸制作丕

覃茲億年基緒又底事取文華金匱方謂昭茲來

許仰思成紹庭上下俾緝熙于純嘏凡此肅肅雖

雖早共見敬

天法

祖慶隆平萬國咸寧與百神爾主行幾遍雷霆風雨出震
流虹渚邁振古書載惟幾自昔詩歌下武寶鼎現

東郊平秩仲月

臨耕藉黛耜舉青犁出三推陳冒楸百辟均衡石新雨
過蒼龍玉軟輕烟濕 畝畝春波溢井井秋成得
瑞麥秀嘉禾殖九州因地利六府先民食

天語至三農齊戴寅賓日 千秋歲

玉几橫經正春在南榮日麗東閣鵷鷺蟬貂萬玉鏘鳴
帷幄濟濟桓班諮度史穆穆嚴徐儼恪守四字觀
易陳詩

御爐烟滿金鶴

釀化盈廷霑渥况考言詢事司勲申約九品官人都入
三年計權本是揚清激濁定無有虛糜好爵統天
下經濟文章範圍成就規矚萬年歡

樂善堂開翰墨研珠玉洒雲天五箴題笏三傑著瑤篇

刪盡丹青翠蘊紫庭黃竹白磨朱鴈自譜南薰入
舜絃 酉山負宸甲觀陳編三餘靜紀長年書礪
硌石刻更金填幾處奎章高閣風動碧牙籤長生
樂

五福陳疇念八徵叙彝倫雨暘寒燠寶同登紫泥蒸
石鼓新排收趯趯字磷磷車攻吉日句重增古何
能太平時

聰明神武允矣赫赫王師震拓盡西羌邊竟收咫尺榆

關葱嶺宛馬貢葡萄進却漸與酒泉分
濬聽月下
一曲伊涼都奏昇平答忠信
後時更有金川緬
甸居國西南相近看撫定燉煌萬里
牂河四面
邛
作為州郡堅碣陡磴正密密
檀花交映滿滇南
天氣如春碧雞先警

征部樂

性相通西極巴勒布婆羅密玉龍領下金神仗外
天魔都屈將珠林法苑重翻譯九部獻三車集五
祇去千燈出自頂蓮花皈佛
文軫接安南認桂

嶺濃烟如拭

勅命阮元平質館通朝謁對輝煌

天書冊號臚歡膜拜慈雲慧日海水知歸處東風吹畫

鷁塞垣春

壁水橋門初幸展

星駕勾陳駐景雍雍西序東膠

命矇眊大昕鼓振合聲頌樂和鸞應陳禮罷曲臺新

峻從今四術毋荒教國子六書聲韻

上林春

五經六藝垂文字省試兩次三科取士紅綾賜杏
花十里長安市 養高年適饌省醴先貴齒餘及
行康授几東榮洗服官伊始拖金紫瑶池燕

青旂二月

巡方出萬國統車書頒

恩澤繡滿五色芳塋上與琮璫辨蒼赤

天子命輜軒陳詩入 望祀遠近山川岱宗親覲恍如

縣圃開仙閭闕

舉趾日觀峯頭秦松漢柏亭亭碧絲竹壁中聞文宣宅

春草碧

振廩何須敷奏早是蠲租新舊三司錢貸無差漏
樾蔭同登仁壽秋霜不比春雲厚赦天下鶴駟

鸞輅王三宥棘木三公左右

秋藥香

神中四瀆河為大天陰從教泝潏淮浦風恬江流
月湧都視此間消長澄清如掌似現出榮光圖書
日朗高堰修隄江南秋水碧于紡海塘近多則

壤漸昏江越壑禹門寧浪玄既珠擎支祁鎖靜子
午靈濤相向臨平山外有一帶清湍駕鷺人放

天慶安瀾與

恩波共廣

齊天樂

湛露初歌鹿鳴先奏還賡棠棣詩篇外饗司掌酒
正禮無愆錫爾服修肥羜中心貺降福于天羣公
外宗人合食鄉老國中賢

堯厨同醉飽

示慈命宴飾喜加籙幸延英門啟

萬歲觴連不數漢廷賓服春正月來飲甘泉簪裾盛金

匏在席葆佾舞瓊筵

滿庭芳

一堂五世千秋紀慶邦家燕喜自今以始縣縣瓜瓞施

于孫子 載稽唐宋徵前史詎六家能儼敷天之

下凡周之士時純熙矣

賀聖朝

五德生王千靈啟聖

九重闔闔秋清率土謳歌天人同聽和聲蓬壺高轉蓮

旗影躋重光玉律金衡驗貞符如日之升如月之
恒封中鼎上嘉祥遍見頽莖碧毳紫脫華平於
萬斯年巍巍蕩蕩難名徵臣願効南山頌愧纖音
下里巴人祝無疆

福祿來崇

福祿來成慶春澤

萬壽徵符篇謹序

翰林院編修臣卨晉涵

臣晉涵稽首頓首言欽惟我

皇上篤祐延熙化融久照五十有五載歲在上章恭屆
八旬萬壽聖節和雖枕被煥焯珍符薄海臣民咸戴景
承輝翺祥忭豫爕欲驪敏詠揚於

仁壽之宇臣竊惟唐臣柳宗元作貞符篇言受命休符
不於祥於其仁詞惜甚瓌然當時尠功德可紀語
皆蹈虛臣遭逢

盛世備員史館親見

洪猷懋績景鑠於前古炳耀乎來茲謹推天人感應之
原撰徵符一篇用顯著

大德受命必得之符謹見諸實徵緯炳奕禩其詞曰粵
若

昊蒼篤祐我

聖清揆合

德肖化久勰成我

皇上御宇初載太歲在辰實惟唐典伊耆踐祚之歲肇

嘉運於上元沖漢宣厥繇引翼庀鴻廼若默感兆
於

睿衷曰予一人寅承茲

丕丕基勛績

祖武恪修圖彛予惟是繩厥

貽謀持久以攸攸爰翊亮

天工信飭庶采

命四方大吏毋奏祥瑞廼昭事

欽若謹禮於

圜丘

方澤秩於上下羣祀

親奉瓚幣祁寒盛夏惟無斃廼

紹德言嚴

對越禴祠蒸嘗奉灌薦秬芬芬苾苾

寶訓

寶錄雒誦周環煜顯茲

謨烈廼

諏詢於庭廣集益圖救寧其各敷陳講義軌正史闡常

經廼

躬行節儉任九職以均九式安陶唐之階尚夏后之食

廼

董正邦治

批章展牘晷發無遺

召卿寺以瞻對觀岳牧以

周咨迺

勤小民之依穀數民數司農歲稽偶遘偏隅薄沴

恩膏醲沃給舖給糜迺

詔大小臣工毋偏厥黨毋毗厥私毋飾術以嘗巧毋名
浮而實漓其勤慤乃職蠲絜乃忱汝或有纖曲之
隱疇克揜於

旭日之照臨維時翔洽茂豫鏡榮燭和潤殷賑於阜庶
昭玉律與金科叶以藝乎之舞颺以康哉之歌春

孳夏楸凱養澍濡五十餘年之間六合之內融融
皞皞衍衍如也

皇帝淵然篤念撫茲懋圖曰惟

天惟

祖宗貺饗豐融

嘉况撫告曷敢不肅迓

鴻庥仔鉅俶乂以紹茲久道且夫鉅典之允叙非其時
弗舉偉畧之克登非其人弗承盛業之用襄非其

道弗彰今既秩祜修和厯禔錫羨矣尚克持之以
恒行之以漸寧或不竺虔寧或不費勉爰於重光
協洽之春肇舉

南巡之典先期

給內府緡錢平治路衢隴安其耔市樂其估祇掃除乎
郊陌泯絲毫之供輸

天子廼登禮名山釐治惇俗進資滌垢優老給復造士
陳詩詰戎載韞愉歌夾道

聞澤霑霽若丑若午若酉

籌河

觀海計萬姓以救怙

躬臨相度至再至三亦粵十五載隸子及辰河澄展鏡
海靜鋪鱗歸德則增隄堅碣范塘則甃石嶙峋普
東南之美利民應草而萐春

澤益覃焉

惠彌厚焉前後凡三十有四年

六巡之典懋焉西師初舉衆論持疑

宸謨獨斷算握前幾鼓致果於勁旅策兼程於援師或
宣之圖或授之策準部則摩壘犁庭回部則衝圍
駢捷凍解於雪山烟澄於月窟用以昭助順於

天心揚洪輝於

前列五年而大功告藏桓桓焉翼翼焉天山環遶瀚海迴
旋我田我牧我井我泉徠驕駟於西極貢瓊琳於
和闐繫金川之負固也始荷解網之寬終恃負嵎

之險氷合箐迷懸崖側

王師進討削砦平礪免薰其窟鳥砦其巢計周詳之區

畫稟

睿算之持堅凱還奏績亦聿五年地過乎三危威懷乎

九姓土司喁喁更番歲覲

大武所由昭者定也

聖代右文集成今古光耀於東壁之躔挾精華於羣
玉之府通廣藝苑之獻書或挈之簾或連以軸通

披永樂之叢篇則澄其金則簡其礫恢恢困困麟
麟焯焯紛羣言以蒼蒼若齋溱灌濟飲百谷以漚
歸擁揚潛隱研覈轡華咸折衷於

聖裁綴零編與散帙胥璧合而珎珎弁卷端而

題咏宣

至論以昭垂鑒以四部儲以

四閣青絳素黔應時辨色淵津源溯潏潢會極綜其
分帙積十四萬而羸四千溯觀成於肇迪計程期

以十年劉向輯畧之錄荀勗中經之簿孝緒七錄之編方斯隘矣竄惟五三六經之傳

顯道惟彰稽則承翼冠德卓猷者申戩崇慶疇則云靈煜質闇而洌浮奧沈闕兆以鬱乃詡揚也昭茲

帝緯相時監裁成以茂對蟠濯祺嘉亘古一會緝穊卻臧將朗敷夫

閎業迭運行於逡躔必引以舒長之養日

大聖人至誠周洽成功之歲月每炳乎幾先

滂仁協義持恒引久俟應乎

天庸煥懿錄庸翊洪延是則施以

渥澤久迺彌浹綦以

武功久迺益崇矢以

文教久迺愈劬記曰久則徵徵則悠遠宜哉忱矣
大聖人之德之純亦如

燾載之融以溥耀也

皇帝祉偕春茂德與日新伸符

仁壽溥

錫福於兆民藏富閭閻墉崇櫛比正賦全

蠲益三而為四臺海寧瀾社番內首式廓戰圖

武成告九

嘉惠南邦增峙三閣

詔許傳鈔鳧趨爵躍爰建辟雍壁合水圓流古香於芹

蓼圃上善於成均列岐陽之獵碣結瓊彩於籀文

煥

鴻章於集錦詞擷舊而為新爰表百官令章維則文釐
厥司武定其秩爰究河源聞訛都實淮井濟榮通
情四瀆爰備中和

審定樂章鑄鐘特磬球雍璆梁慶隆進舞琴麗焜煌爰
訂全詩爰

調古樂七均攸諧八能遞作譜合於南豳雅頌律協於
重敏迭經風醇俗懋感人和平斯悠遠之徵所為
浸潭逢涌磅礴挺坵哉月正元日誕布

溫綸

醲恩廣惠

巽命重申廼

東巡於泰岱象司春而

溥仁溯泉林以

釋菜緬合揆而同規洵生民以來所未有茲乃道脩於

君師

聖天子強固精明之體純純常常法健行以不息延厚

德以無疆裕

五世之慶開

五福之堂圖陳

王會合宙騰驤貝函象譯微棧瀛航西踰天竺東指樽
桑而南交之君長亦依

光入覲請

錫冠帶陪寮窠鞬膾以上

萬年之觴皇哉煒哉乾符坤珍燦著融光嘉徵彙至抨

園顧方距跂行喙息之倫僉懌然於

邳瑞之彰

天子製八徵耄念之寶猶疊疊於敬事醲政演疇歛福

肅又哲謀彙

聖猷而時若爰茲八表雍睦協氣薰蒸瑞人駢接濟濟
繩繩孳生四乳庶兆日增合居九世提挹雲仍揚
輝戴曝為升為恒潤和

壽宇是為至順之徵

萬壽頌十章

恭集

御製文句并序

翰林院編修臣嚴福

臣聞鴻化烟燭萬億基算協氣氾濩八千為秋凝
禧集瑞開萬世之太平扇景獲甘躋一世於仁壽
鳳翽麟遊不可勝紀梯航重譯莫不來同隆古以
來史冊所傳未有盛焉者也我

國家受

天眷命

列聖垂庥深仁厚澤累洽重熙以茂衍億萬年無疆之祉
敷之

舜訓者蓋不可殫述矣

皇帝繼序建極綏猷道兼創守

德洋恩溥涵浹羣生瀛壖炎島大漠蠻陬日月所照血
氣之屬咸切尊親皇哉何代理之神也歲庚戌秋

八月

八袞爰開

百福備致然帝王之福本諸身徵諸庶民推而放諸四海嘉應庶徵蓋莫若洪範八徵之念念庶徵即所以念萬民以是為敬

天之本以迓

天庥以是為法

祖之規欽承

祖德天德王道無不一以貫之也

臨御以來常如一日洎乎

七十萬壽之年鑄

古稀天子之寶煥為

宸章灑為

奎翰以云古稀今古誠稀而繼之曰猶日孜孜

聖學高深執精一之中揅治平之要亦於斯可覩矣爾

乃

吉祚大來箕範

敷錫新茲

景福瑞疊祥駢有德者之得其位得其祿得其名壽上
自義軒罕有及者

正壽之慶中外歸忱咸徠獻

壽羣臣例當進獻詞賦顧惟寡昧扣槃捫籥無能企逮
萬一載晉長言駢彰

壽牒是猶繪日月星辰以象天無俟繁稱矣

聖人之情匪文莫闡凡

御製詩文頒布天下炳如日星實與典謨訓誥相輝映

天下之文章孰有大於此者乎莊誦繹思衍義綴
詞竊擬南山之頌其詞曰

體乾之元克臻

邳隆巍乎燠乎

文德武功薄海內外喁喁向風

八旬初暨

萬福來崇

一章

皇清開國

列聖肇興以

聖繼

聖業兢兢宵衣旰食地平天成極建維五得一以凝二

章

肸蠭昭融曰惟百神儀具禮洽敢有弗欽薦馨

郊

廟尤厯

聖心致齋致懇必

躬必親 三章

五代同堂斯引

福紀子孫繩繩麟振其趾

慶駢豐施苞符介祉以和名和如是如是 四章

衍繹範言箕疇凡九八之念徵資福以受

聖人體

天是以恒久

錫福庶民國之耆耆 五章

翠華巡省展義觀風於樂南國樂與民同覃齊決魯遂
躋岱宗聞呼者三喬嶽維嵩

六章

河奏安瀾溯源會極吳越海塘厥有成績以疏以
濬

指示經畫孰與並隆禹之明德

七章

勤恤民隱凡茲林林暑雨祁寒心更難謐

賜復蠲租出內帑金數逾千萬深入人心

八章

熙績寧人

訓勅有位無曠庶官頌名思義率循舊典良法美意吏
治蒸蒸弗替厥志 九章

辟雍鐘鼓璧水環之園橋首善琴麗

六飛行釋奠禮祇謁

先師心源符契斯文在茲 十章

作人棫樸

教思無窮敦崇實學廣勵士風秩如彬彬如浸以醇醲朝

陽鳳翽慶忭攸同 十一章

煌煌

聖訓因文以傳無體不備載在簡編

勅幾摘藻意在筆前金輝玉燦如日麗天

十二章

稽古石文文教彰明四庫之輯次第進呈抉疑示的
幾暇怡情廣大精微適觀厥成

十三章

洞契元聲

親考律呂篇章音節亦惟其所既製鑄鐘泗濱同拊金
聲玉振

功垂萬古十四章

在古周宣觀光揚烈因事成什而泐之石約文申
義重撫其蹟炳炳麟麟以宣

偉績十五章

習武木蘭後法

先垂歲事秋彌絡繹羽儀選徒屬韃殪虎洞糜詰戍保
泰鞏我

丕基十六章

皇者其武赫濯捷伐迅奏膚功犁庭埽穴開疆二萬策

勲按籍止戈拓邊畝田宅宅

十七章

疆宇安晏向南定之雷霆亦福乃霽

恩施昇以爵秩夙夜是祗來京祝

嘏咫尺

天威

十八章

西藏頻來南掌等國無遠弗届海隅出日慕義獻

琛輻輳鱗集統一萬邦

恩威所及十九章

上儀具舉若網若綱圖于王會

盛典商皇羣工士庶并手稱

慶吉語臚實

萬壽無疆二十章



欽定四庫全書

史部

欽定八旬萬壽盛典卷一百十

詳校官戶部郎中臣楊世倫

欽定四庫全書

八旬萬壽盛典卷第一百十

歌頌 三十

萬壽叙微篇 集五經

翰林院編修臣錢棡

惟天惠民書 天生民而立之君 春秋傳 奄有九有詩

後天而奉天時易 兼利萬物禮 聲教訖於四海書

日新之謂盛德易 子民如父母 禮 用能協于上下

以承天休

春秋傳

聿懷多福

詩福者備也

禮一曰壽

書於萬斯年

詩

位乎天位

易

德莫厚焉

春秋傳

維

清緝熙

詩光有天下

春秋傳

皇建其有極

書

參天兩地

易

以致五至

而行

三無

禮

其

在于今

詩

五十有五

易

歲書

庚戌

春秋

仲秋之月

禮

天子萬壽

詩

八十禮

南北東西

春秋傳

無遠弗届

書

四方

來賀

詩

惟曰

欲至于

萬年

書

大有慶也

易

聖人南面而聽天下禮

亶聰明書崇效

天

易

繩其

祖

武詩

臨照百官

春秋傳

而民康樂

禮

夙夜不敢康詩

念用庶徵書

德之裕也

易

天之道也

春秋傳

天道至教

禮

三百有六旬

有六日書寒暑相推而歲成焉易日月星辰春秋傳

照臨下土詩鼓之以雷霆禮潤之以風雨易安且

燠兮詩曰暘書書時也春秋傳凡厥庶民書春秋冬

夏禮動在其中矣易勤則不匱春秋傳爰衆爰有詩

若農服田力穡書必以時禮以介我稷黍詩是謂

大順禮謂其三時不害而民和年豐也春秋傳惟

帝念功書親載耒耜禮勞民勸相易農夫之慶詩震東

方也易二月

東巡狩

書

東方者春

禮

有孚惠心

易

如百穀之仰

膏雨焉

春秋傳

泰山巖巖

詩

乃修祭典

禮

羣神羣祀

春秋傳

必

釋奠于

先聖先師

禮 誕敷

文德

書

譽髦斯士

詩

禮也

春秋傳

社稷

宗廟書必

躬親之

禮

無有不共恪

春秋傳

降福孔皆詩萃亨

易

念茲戎功

詩

師出以律

易

內平外成

春秋傳

逖矣西土之

人書悉率左右詩推而放諸東海而準禮朔南暨

書無思不服詩

近者

禮日南至

春秋傳

來獻其琛詩

皇則受之書嘉乃勲

春秋傳

車服以庸

書

有加禮焉

春秋傳

若此則周道四達禮無有遠邇書歲事來辟詩觀

國之光

易

賦嘉樂

春秋傳

食曰書

萬壽無疆詩民說无疆易情深而文明禮

眎之以大禮春秋傳晝日三接易陳樽俎禮萬舞洋洋詩

四方民大和會書

德至矣哉

春秋傳

作者之謂

聖禮

聖人作而萬物覩易

單厥心詩

念終始典于學書

欽定四庫全書

卷一百一

八

經緯天地曰文

春秋傳

詩言志

書

倬彼雲漢

詩

若日月之照臨

書

德音之為樂

禮

天下誦而歌舞之

春秋傳

作樂崇德

易

八

音克諧

書

五聲六律十二管

禮

以相濟也

春秋傳

命大師陳詩

禮

律和聲

書

既脩乃奏

詩

凡三百

易

皆可

歌也

春秋傳

鐘

禮

音之器也

春秋傳

用特

書

喤喤厥聲

詩

大哉

易

鼓咽咽

詩

介于石

易

其周之舊乎

春秋傳

天子視學

禮

咸與維新

書

其文炳也

易

聖謨洋洋

書

四方其訓之詩

帝德廣運

書

求民之莫

詩

重以

申命

易

大賚于四海

書

發倉廩

禮

至于再至于三

書

教

以紀之

春秋

時萬時億

詩

闢四門

書

曰選士

禮

濟

濟多士

詩

拔茅連茹

易

賦菁菁者莪

春秋

以近

天子之光

書

說以先民

易

行慶施惠

禮

熙熙乎

春秋

以美利天下

易

則王道脩矣

禮

昊天其子之

詩

降之百祥

書

必有餘慶

易

嚮用

欽定四庫全書

八句 卷一百十

五福

書

天子之堂

禮

子孫千億

詩

齊齊皇皇

天降膏露

禮

雲行雨施

易

屢豐年

詩

百穀用成

書

其所以

繁祉老壽者

春秋傳

何施而得斯於民也

禮

一人有慶

書

無小無大

詩

實受其福

易

年自七十以上

春秋傳

百年曰期頤

禮

分之采物

春秋傳

三壽作朋

詩

厥孚交如

易

罔不承

德

書

夫是以天下泰平也

禮

念茲

皇祖

詩

受茲介福

易

有典有則

書

史載筆

禮

德言盛

易

天子當陽

春秋傳

率

祖攸行

書

如南山之

壽

詩

慶賜遂行

禮

克篤

前烈所及其遠哉

春秋傳

凡此者

禮

天行健

聖敬日躋

詩

水火金木土穀

惟修

書

德刑政事

典禮不

易春秋傳

視履考祥易

訐謨定命詩

知人則哲書利以平民春秋傳以天下為一家禮丕冒海

隅出日書允猶翕河詩執玉帛者萬國春秋傳內和

而外順禮廣矣大矣易

聖人以為未足也禮朝夕

臨政春秋傳一日二日萬幾書於穆不已詩於時春秋傳

念茲在茲書追琢其章詩以球玉禮

聖人之大寶易所以達

天道禮敬授人時書

久於其道而天下化成易臣不敏春秋拜首稽首颺言

曰書

天子萬年詩

萬壽頌十六章集文選并序

翰林院編修程昌期

臣聞天稱其高者以無不覆惟主創物繼天接睨
一六合而光宅握樞臨極經緯乎陰陽元化所甄
羣生涵濡皆返中和以美風俗以隆德聲而炳諸
典謨福之上也猗歟偉歟肇自昊穹生民五德初
起紛綸威蕤煥炳可觀彘農有熊亞斯之代莫崇
乎陶唐然記籍所載辨其要趣未有如

今日之盛者也

皇帝體膺上聖

東籙御天

續承

基緒

體元則大

德澤洪茂昭景飲醴是以四海之內枝附葉著千品萬
官小大畢力百物殷阜屢惟豐年庶草蕃蕪惠風
廣被東震日域西盪河源莫不躋足抗首驟山驟
水移珍采亨

覩萬方之歡娛

膺多福以安念揆厥所元

寅奉

天命

紹隆

前緒

聖孚也

仁洽道豐

禮交樂舉

立教也邊境乂清樂率貢職

定功業也

醇鴻臚之德

垂仁義之統脩哉粲爛暉光日新然而

聖上猶孜孜靡忒昧旦丕顯夕惕若慄

訪萬幾

勤屢省

酌典憲

考庥徵雲潤星輝風雨玉燭故令斯人揚樂和之聲觀
泰階之平成在於此于時秋也少昊司農六合清

朗上膺

萬壽海內同悅懷生之類誠思畢力竭情美

盛德之形容而盡忠孝猶

謙讓而未俞也而公卿大臣因函夏之趣謹拜表以

聞於是

天子佈然動容曰俞乎乃申舊章發

榮號

對揚

天人奄受敷錫

經緯禮俗

勤恤民隱雲行雨施

湛恩龐鴻光于四表穆穆焉皇皇焉固萬葉而為量者

也臣凡庸固陋遭千載之

嘉會美

盛德之形容事以頌宣頌其所見也遂作頌曰
顯朝惟清業光

列聖

皇上纂隆遂重熙而累盛星虹樞電
膺錄受符安綏天保恭惟永圖

一章

其恭惟何嚴恭

帝

祖禮上下而接山川有秩斯祐其祐伊何允當

天人用融

前烈

受釐

元神

二章

一日

萬幾匪遑底寧並

命在位以獻精誠欽哉欽哉

顯猷翼翼

審聽高居總八方而為之極

三章

條風發歲

肅駕在

祈年惟穀之卹

躬三推于天田黍發稠華稷稻莫莫家給千豐萬邦愷

樂四章

峴榭迎風飛陸凌虛連閣煥其相徽乃有祕書鳥

策篆素焯焯煌煌

正俗崇文文以化光

五章

文德既昭

威武紛紜

義征不諛惟道所存既光厥

武莫不陸讎水慄却走馬以糞車海外有謐

六章

既苗既狩以闡

大猷

夏載歷山川爰豫爰游天下安瀾耕穫不愆

封岱勒成

聖上同

七章

天

於廓靈海乃流辟雍講論乎六藝參象乎

聖躬嘉車攻伐靈鼓

集而讚之各得其所

八章

昔之為文者宣德以詩為三百篇非

聖人孰能修之
大予協樂
廣樂四陳
觀法於節
奏流管

弦而日新

九章

聽覽之暇

留思文章
敷道德之宏
麗光焰朗以
景彰理宣其
奧言

以暢神流
詠太素煥乎
有文

十章

皤皤國老
惜惜醞譙
三十景附

仁風內扇
以介

丕祉

德博化光沐浴

聖澤稱

萬壽以獻觴
十一章

景命是膺

皇家

帝世將紆萬嗣

慶流耒裔綿綿瓜瓞

族茂麟趾殷

五世之純熙

本枝之盛如此

十二章

殊方區別同量乾坤皆嚮風慕義蹈德詠仁南夷
之君欽衽

魏闕幸游建德鄉四方無拂

十三章

斟洪範述易道八象成文謂之大寶

皇慶肇建永錫難老

念茲在茲庥徵之所偉兆

十四章

月旅太簇吉日良辰宣布

詔書養之如春旼旼率土稟仰太和登春臺之熙熙兮

擊壤之歌

十五章

時聖道淳

辟容有穆備致嘉祥允懷多福究庥祐之所用惟

德動

天天人合應永永萬年

十六章

萬壽恭紀七言律詩三十首

翰林院編修臣秦永業

寶錄呈符福

聖躬

八旬鏡寓日輪東

治成耕鑿相忘外

道契清寧合撰中岳貢川珍俱品列年豐物阜是庥風

元正肇

祉咸臚祝雷動歡聲六幕同

其一

三多有願獻堯封拔藻誰能繪

袞龍念

祖聿修惟黽勉法

天中道自從容大公至正辰維拱戒滿持盈海是宗

德者福基

仁者壽占如箕畢雨風後

歲祀

躬親古莫雙禮隆

大報浹鴻龐陳常自繹周詩正歸福真訾漢政龐

鐫寶不忘銘敬信嚴

裡况復念耕耰

昊天其子恭承命于萬斯年惠萬邦

其三

耿光大烈萬年基式廓宏猷

聖所治

肇迹規模真邁古

傳家典則自相師尊藏螭玉承

天統編定雞彝展

孝思

寶錄五朝心法在紹聞惟是凜

晨披

其四

勤政朝開敞禁闈每趨庭燎有光輝

天顏不隔常朝對

睿畫分緘遠驛飛內廐馬調隨步輦衆流籤引覲

垂衣烝烝日奏昇平業無逸

書屏更勅幾

其五

逮下

深仁保赤如盎然元氣浹

宸居惠鮮最切文三老廣濟寧論禹二渠奏雨封章嚴
大吏書民版籍辨方輿即看祈

澤多神應

親躡丹梯百級餘

其六

蘭陵唱和協喁喁宜爾欣看接履絢尾宿漫湏占

析木耳孫行復祝懸弧幾家並有曾元見八士寧
惟達适俱

聖世不言符瑞事牧人旗旒卽旋圖

其七

宥密單心

聖敬濟

右文常是邇緬緝禮經舊注威儀盛史例新標日月齊
方語譯來參地志逸書搜得荷

天題巍巍七閣雲霞表氣壓名山二酉低

其八

偉構難從著作階波瀾根祗富

天懷文成典誥為規矩詩統宮商示熨諧魚藻臣工慚

涂翰東西琛畫入吟牌

幾餘妙展翔鸞帖雲朵常凝

敬勝齋

其九

功巍文煥六經來

進講春風灑九垓前席集賢

宸極眷說書崇政侍臣陪煌煌

著論卿雲筆抑抑歌詩湛露盃藻績士林宗雅正不離

典籍選瓊瑰 其十

國家教養重成均園水今看璧沼新俎豆視元昭
敬慎老更從漢闕因循別開廣宴延千叟疊獻膚
功格七旬塞北安西皆學舍四門三鼓况儒巾 其十一

石鼓重排紀

大勲鴻都車馬日紛紛坡仙缺月行邊字吉甫清風頌
裏文文碣斯碑爭入古三希八柱廣流芬溯後居

父刪詩後寶鼎氛氲陋漢汾

其十二

鳳鳴何處仿雲門

治定功成是樂原同律舊評周尺短中和今識大賢溫
遍翻篇什賡新譜合奏兜離奉

至尊特磬鐃鐘皆地寶宮懸信有太音存

其十三

羽獵年年出木蘭簡軍上塞地圍寬諸藩部視家
人禮異姓王兼宿衛官銳士洗兵香阜雨浮筵褭
艦玉湖瀾六熊雙兔題篇在

神武常從中雋看

其十四

五十五王欽玉關披圖還笑漢功孱但聞都護屯
沙磧未有農田過雪山馬貢今來邊市賤雁臣隨
到戍樓聞聞河西去逢金母一朶當時寶玦環其

十五

魚海天根瀛海堦郵亭幾萬道平平冉冉驪向外無
番境赤嵌從深盡禹佃冰嶺雪碣銷戰壘鯢身鹿
耳靜潛淵水西流處趨東面可但覩星共此天

其十六

童叟能知祝

帝堯八鸞常出聽風謠五臺梵樂迎仙仗太室呼聲應
舜韶況是白山懷水木有如皇澗憶舟瑤

祥基物土俱堪賦四度

宸遊過瀋遼

其十七

津門水濶舞潛蛟岱頂松高架鶴巢

輦下

恩波通斥鹵巖間煙靄合香茅安期瓜棗珍厨進闕里

金絲殿壁交倚楔先時行內府但觀桑稼省農郊

其十八

舟臨楚甸泛銀濤民力東南

睿畫勞漢志但憑多發卒水官早署喜渠漕冊羅宿海
探源遠銳建清淮立準高一濬陶莊看底定祇今

帆過鼓停鑿

其十九

吳根越角幾來過錦字鐫題勝處多一水平江經
虎阜六橋花港聽鶯梭南埭舊患潮頻徙東注俄

欣海不波金簡玉書空禹迹紀

功岫嵯較嵯峩

其二十

野無緡筭籍逋家士有詞章托後車挾纊溫生輕
組練賜牌

恩重抵瑤華看回建業千峰棹又過揚州十里花望
幸情殷香案近

駕前羽衛不教遮

其二十一

中統論年亦小康開天

壽籥紀徽章鎮圭長此封川岳半壁當時隘宋梁

五代鍾祥元凱並

八徵益壯德威揚

帝知茲寶膺

殊貺

詔曰推恩大澤滂

其二十二

彈冠多際後先庚瑞應魁匡戴斗明六度榜收文
武士萬餘人聽雅歌聲銜加皓首窮經慰額益賢

宮發輟輕家自三番膺

國慶每聞科

詔寵如驚

其二十三

荷鋤倚仗鏤心銘
桃李垂街戶不扃
蠲賦縣門胥吏靜
截漕水驛舳艫停
歲功豐告占星紀
民氣歡

醵擊壤聽承

輦况當畿輔近新

恩剛奉翠華經

其二十四

一色朝衫寵秩增五花鸞軸

德音承更逢曲宥生成大却喜微瑕被濯勝枉縱平衡
端慎猷科條寬減亦知懲欲憑

盛典裁鴻筆罄寫輿情實未能

其二十五

勃律希聞鑿空遊彈丸緬子隔旄牛貝多卷寫遵
龍藏金葉文成觀

覓旒越險不辭懸度遠歸誠豈識瘴巖幽石油樹酒俱

堪獻銘栝惟看職貢修

其二十六

帝鑒歸藩効隼忱入朝驅馬賦駸駸終軍非待長纓請
許業依然面壁心舞獸招邀來象邑家禽馴擾逐

雞林衣冠

允乞旋

申錫雲日光昭快自今

其二十七

共球絡繹解征驂宴賚頻煩

聖澤覃

寶額歸懸瞻斗似

瑤章屬和采風參白題黑齒尋相習吉貝兜羅半未諳
右相圖成古人譯吾

皇萬壽邁彭聃

其二十八

鑒輿過處曉風恬夾道駢肩快聚瞻曼衍魚龍翻海立
玲瓏樓閣與天粘晨開閭闔闔籥韶奏曲宴園林雨

露霑正是

御筵當北極弧南星映水晶簾

其二十九

龍書鶴算正開緘霓羽天街共舞衫自昔光華欽

帝大於茲曼羨驗民誠詩惟天保臚吟什經有長生轉

誦函

億萬斯年同此日衢歌播樂奏猷咸

其三十

萬壽叙疇徵福頌二十四章

恭集
并序

御製文句

翰林院編修臣俞廷樞

皇清荷

天之龍

列聖垂庥

天子以四海為家欽時錫福

八褻初開延洪錫羨曾元繞

膝小大稽首

思有所以副八旬開褻之慶蓋莫若洪範八徵之念采

古製為璽永言保之臣聞萬年膺庥

一人有慶箕疇五福福應備臻共茲

大慶罔不忭喜普諸

福緣祝無疆

壽羣臣所頌不可勝紀

聖德廣運莫可名言奉若

天道丕續

先型勤求治理撫育羣民文教彰明武功赫濯崇示禮秩

貫徹樂義睦親彰善

殊恩榮老廣途銓士察吏求賢

省方觀民蠲租發賑卒伍服習刑章平允

懋敬厥德繹聖析理

宅中圖治吐辭成經吉祚大來梯航重譯永珍世寶慶
忭攸同凡此諸

福無不如

意昭

德之致以莫不增星紀長庚之宿山呼萬歲之聲湛露
升歌弧南表瑞中秋八月匪今斯今洪範九疇

歲萬又萬容保萬國而其

福始大永膺

天祿而其

福始長天然多福惟曰欲至于萬年自求多福惟曰欲

至萬世仰瞻

天藻用輯

繁禧倫叙秩然箕疇凡九明徵定保

景福維祺並悠久於兩儀集衣冠於萬國臚歡祝嘏欣
逢

萬壽之期錫祉延齡竊擬南山之頌頌曰

維

皇作極欽若

昊天齊政協紀道在節宣

兩郊大祀必

躬必親迎日揆景省歲

祈年自

御極以後弗懈益虔法

天行健歷久彌新

皇圖永繇惟

恭則

壽瑞疊祥駢

福自

天錫用敷錫厥庶民

一章

篤念

前徽定統建極累洽重熙有典有則禁習漢俗以

詔示無數每觀

實錄朝乾夕惕敬繩

祖武興思

手澤

養育宮中紀受

恩之蹟

志切紹聞兢兢業業

叶

邇福垂裕

念茲弗釋

二章

殿曰勤政

貽萬世規以

聖繼

聖廣大精微理事引

見未明求衣累牘連章乙夜

手批萬里以外往復周諮勵精圖治弗懈於時

八旬初暨猶日孜孜恒保此

福宵旰攸資

三章

勤咨民隱知稼穡艱

課晴問雨當食忘餐洪縻縹緲以

身率先萬人之命呼吸相關凡賑助撫卹俾享安全轉

歟為豐敷錫八埏

惠心勿問

義闡韋編

福國佑民將萬斯綿

四章

文治光昭與時茂育四庫全書儲之

延閣叶廣示藝林心沃身泚

右文

臨雍作人棧樸石鼓之文重加經度

特榜興賢不一而足表彰窮經敦崇實學歛

福用數矢其文德

叶

五章

六師順動櫜忠敵愾西域既定疆界厥地永靖作
巴豐碑並峙瀛壖炎島隨宜

指示雖有梗化生擒亦易由

知幾而推為四知無遠勿屆疆闢二萬武成九次

福厚功崇

紫閣形繪

六章

大聖創制折衷損益自

郊壇祭器稟為程示及

鹵簿儀仗條分縷析至于衣冠祗承

家法

叶

按器譜圖允符定則文經武緯官稱其職一準會

典萬年惟無數

福履永綏儀備禮洽

叶

七章

作樂崇

德聲與政通

親定中和韶樂克臻邅隆瑞出西江鑄十二鐘篇章音
節諧協六同依字旁注元氣昭融皆主一字一音
警聽達聰譜以正調肅肅雍雍以介

福釐彌暢

皇風

八章

敦宗睦族潤盈

玉潢世篤忠貞載在宗盟克昭駿業亮采有邦爰及

苗裔毋忘舊章生聚蕃衍長發其祥重增秩祿榮

號崇封叶設席肆筵日吉時良咸得

福慶

帝系繇昌九章

天子養老導龢軒樞逢

國大慶兆庶孔愉肆筵設席共味醍醐槐街鄉祿棘

院耆香秀眉黃髮或續賢書並

賜進士綽楔表閭三老五更之

說成洋洋之

聖謨斯引

福紀

德教涵濡

十章

知人則哲曰簡賢而用之晝日三接面

命耳提曰

予作君曰

予作師禮樂刑政各有分司慎茲綸綍悉出

睿裁闢四方之門翕受敷施五明之扇厥

義入微

五福歛錫庶績咸熙

十一章

設監置牧

旌廉擢能惟崇大體匪祇循名爰進大吏

詔之曰無或荒寧承宣表率察其考成誅恣懲貪政肅

風清力加整飭百度惟貞重撫字之勞涵浹羣生
實受其

福吏治蒸蒸

十二章

省方問俗匪居匪康六度

南巡涉河渡江治在塘堰風濤是防

巡覽淀海東眺扶桑安瀾之

頤與日俱長於錄

盛京無疆惟慶天中嵩洛有蔚清涼

東巡

闕里至于岱宗

叶用以祝

釐資

福

身其康強

十三章

德音洋洋普被曰

仁業經三次矣蠲惟正者萬千茲逮

八十特布

恩綸加之宜厚藏富在民

國家荷

天庥百有餘年間遇水旱

湛恩既深際時屢豐慶溢敷天並受其

福合萬萬人

十四章

歲事秋獮周陞合圍

據鞍策馬殪虎洞麋

聖武布昭哨以出奇班獲行賞四十九旗

欽定四庫全書

卷一百一十

閱健銳兵節制之師訓練有素其勇熊羆維歲之晏陳
我冰嬉長享昇平之

福謹度節時

十五章

象刑有典法物修明一切獄準諸人情痼瘕在抱
如

天好生曰欽曰恤必公必平刊布律令著為章程

仁育

義正克協于中

叶屢

飭法司刑期無刑雷霆亦

福久道化成十六章

維

德之純

神聖首出居正臨民均平如一克勤克儉發皆中節
履盛持盈不遑暇逸

提躬日強敬於

心而達於物戒得之義

示後有

述欲至于萬年亦惟一日二日是為

福德聚敬勝怠者吉

十七章

聖學高深全體備焉外王內聖曰明與新覆哉負宸無
逸一篇貫串咳洽周誥殷盤

講論經義一中允得懿戒有訓敬奉成編敬茲九

五衍繹範言

建極斂

福體用一源 十八章

治化翔洽仁漸義摩誠民阜物各得其宜 叶 醞醞醞厚

六合一家十呂入律擊壤聽歌協氣汜濩萬邦惟

懷 叶 遊于

化宇咸睹光華

昇平累洽凜

懷永圖 叶

福利仁化以和名和 十九章

聖有謨訓發明旨要煥為

宸章符乾姁昊鎔範羣言道象之妙挾疑

示的無非

至教時及臨池涉筆惟肖

嘉與海內是則是倣倬為章于

壽考同天所燾

五福之義曰惟久照

二十章

天庥是滋瑞應頻仍屢綏晉徧諸事順成珠聯璧合鳳集

麟生畝穗叢岐河色成榮門旌人瑞戶慶盈寧瓜
繇其昃月益歲增駢彰

壽牒嘉應在庶徵

百福備至曰升曰恒

二十一章

九有輸誠受小共大共大漠蠻陬莫不來同西旅
底貢自痕都以東緬甸歸順揚我

仁風衛藏雖徼外實在震旦中安南雖南瀛小邦耶受
命惟崇且於

山莊宴賚雲集景從

禔福無疆萬國朝宗

二十二章

擇言錫璽庶徵之八八惟庶徵洪範疇一時若雨

暘吉語臚實

念茲在茲所其無逸選擇精瑯永為定制叶繼用此寶
範圍莫越承以髣几用殿諸

御筆嚮用

五福引而勿替

叶 二十三章

五世同堂

八旬萬壽舉行

大慶禮膺

視孔厚莫不來同萬里奔走航漣梯嶂麗天拱斗奉

萬年觴子來恐後猗歟

純禧實為從古所未有

念之哉箕疇之九

萬福來崇以常以久

二十四章

欽定四庫全書

卷一百十